

Universitätsbibliothek Wuppertal

Sexti Julii Frontini, Viri Consularis, Quæ Exstant

Frontinus, Sextus Iulius

Amstelodami, 1661

Praefatio

Nutzungsrichtlinien Das dem PDF-Dokument zugrunde liegende Digitalisat kann unter Beachtung des Lizenz-/Rechtehinweises genutzt werden. Informationen zum Lizenz-/Rechtehinweis finden Sie in der Titelaufnahme unter dem untenstehenden URN.

Bei Nutzung des Digitalisats bitten wir um eine vollständige Quellenangabe, inklusive Nennung der Universitätsbibliothek Wuppertal als Quelle sowie einer Angabe des URN.

[urn:nbn:de:hbz:468-1-1185](https://nbn-resolving.org/urn:nbn:de:hbz:468-1-1185)



S E X T I
JULII FRONTINI
VIRI CONSULARIS

In suum de

AQUÆDUCTIBUS
URBIS ROMÆ
COMMENTARIUM

PRÆFATIO.

UM omnis res ab Imperatore delegata intentiorem exigat curam, & me seu naturalis sollicitudo, seu fides sedula, non ad diligentiam modo, verum ad amorem quoque commissæ rei instigent, sitque mihi nunc ab Nervâ Augusto, nescio diligentiore an amantiore Reip. Imperatore, Aquarum injunctum officium, tum ad usum, tum ad salubritatem, atque etiam ad securitatem Urbis pertinens, administratum per principes semper Civitatis nostræ viros; primum ac potissimum existimo, sicut in cæteris negotiis institueram, nosse quod suscepi. Neque enim ullum omnium actuum certius fundamentum crediderim, quàm quæ faciendæ quæque vitanda sint posse decernere. Nam quid viro tam indecorum & intolerabile, quàm delegatum officium ex adiutorum agere præceptis? (quod fieri necesse est quorum imperitia præcessit ejus, cui decernitur usus) quorum etsi necessaria partes sunt,

sunt, tamen ad ministerium, ut manus quedam & instrumentum agentis, esse debent. Quapropter ea, qua ad universam rem pertinentia contrahere potui, more jam per multa mihi officia servato, in ordinem & velut in corpus deducta in hunc Commentarium contuli, quem pro formula administrationis respicere possem. In aliis autem libris, quos post experimenta & usum composui, antecedentium res acta est; in hoc vero & insequentium, cujus fortasse pertinebit & ad successorum utilitas. Sed, cum inter initia administrationis mea scriptus sit, in primis ad meam institutionem regulamque proficiet. Ac ne quid ad totius rei pertinens notitiam prætermisisset videar, nomina primum Aquarum, qua in Urbem Romanam influunt ponam: tum per quos queque earum, & quibus Consulibus, & quoto post Urbem conditam anno perducta sint: deinde quibus ex locis, & à quoto militari duci cœpissent, quantum subterraneo rivo, quantum substructione, quantum opere arcuato: postea altitudinem cujusque, modulorumque rationem, & ab illis erogationes, quantum extra Urbem, quantum intra, quisque modus cuique regioni, pro suo modulo, unaqueque Aquarum serviat: quot castella publica privataque sint, & ex his, quantum publicis operibus, quantum muneribus, (ita enim cultiores appellant) quantum lacubus, quantum nomine Cæsaris, quantum privatorum usui beneficio Principis detur: quod jus tuendarum sit earum, quâ contumaces afficiantur pœnâ ex lege Senatusconsulti & mandatis Principum irrogatâ.